

而痊人稱奇孝先世濱海累遭寇虐後遷內地五世棺柩悉聯奮營葬并葬支親十三柩為鄉里所稱紳士籲請

旌表崇祀孝弟祠

方經邦字宗弼年十歲父患癱瘓之疾歿母病割股和藥及母卒哀痛動人何正振字學時父臥病朝夕扶持二十七年無少懈張華玉字紋石諸生幼失恃事父色養父歿事繼母惟謹繼母患脹疾年餘玉日夕扶持衣不解帶卒哀毀呼籲如喪父時先是父納庶母八年而庶母逝生季弟二人俱襁褓玉撫之長為婚娶營生計終身無閒言族眾繁耕地促玉倡海墘開溝以導流作陡門以時啓閉瀦水高下更相灌漑增田四百餘畝取五之一為祖先享祀費及貧乏孤寡養活資餘則核錢力以分族人合族賴之

福建通志

卷二百四十一

國朝孝義

三

福建清縣 連江縣

連江縣

陳彥弼字子卿母病足且瞽臥床二十年彥弼承奉無少懈順治四年土寇攻縣城彥弼率眾拒之邑賴無恙後以貢生任甌寧訓導子登字駿公貢生海寇陷城弟潤被擄登入賊營傾囊贖歸諸弟衣食婚娶皆力任之臨終取自置田遺諸弟曰田宅可買兄弟不再得也邑有東湖溉民田數萬畝為流民擾據日就壅塞登呈於令出貲濬之凡三廢三復邑民賴其利登子脩字孝齊歲貢生松園為圳以利民田東湖自登開後有欲竊墾者以利啗其曾孫名賢名賢搏其額曰是使子不成孫也力拒之名賢字聖周監生嘗築賢義溪石橋倡修南關外通濟橋族之孤貧不能舉昏喪者輒助之潤字肅兩晚貢於鄉孫鳳舉字思朝乾隆甲子舉人中

明通榜後銓永寔教職

鄭尙梓父愷為山寇劉希亮所擄索贖尙梓家貧假貸以贖不贖所欲乃叩賊營求釋父願以身代賊殺之釋其父歸順治五年海寇鄭彩陷縣同里諸生吳維墀禦賊被害

王治觀字行省為諸生順治十三年寇陷岱堡屠戮甚慘治觀產已中落慨然以收瘞為己任造義塚十餘處分掩之夜聞扣門聲出視無有歎曰是必有不盡得所者遂遍搜巖谷遺骸罄產收瘞不數年捉衿露肘見者為之嗟憫治觀處之怡如

張憲小字洪居父震公從其祖避亂邑之岱堡順治十三年海寇陷軍張氏一門殲焉獨震公以他適獲免憲時七歲賊掠往廈門轉鬻漳州稍長備於龍巖震公意其已死康熙十年憲年二十餘

福建通志

卷二百四十一

國朝孝義

四

福建清縣 連江縣

忘其鄉邑人謂其語音似連江而彷彿憶天貞者父名也遂奔連江越數朝暮無所向哭於途或問父名何曰忘之此閒母乃有張天貞耶震公聞之曰天貞吾亡弟彼焉得識之亟走叩其詳大喜攜與歸呼其母出曰吾兒洪居不死歸矣憲熟視良久曰非吾母也震公曰爾母斃於賊矣此爾繼母爾洪居搶地大哭事繼母如所生念賊仇不復每飲泣或至失聲雍正七年

旌表

黃成富字碧峯農家子六世同居男女六十餘口每出作田開眾婦俱往畱一婦視家臥兒於筐飢則乳之不問其為誰兒也懸衣於桁出則脫之入則穿之垢則浣之不問其為誰衣也客至供具飲食家長主之家中不聞一言

旌表

蕭良輔六歲喪父哀毀如成人父嗜肉膾父歿見膾輒悲泣家貧母作苦日易數餅充腹而善其餘良輔知母餽已泣告必母食乃食九歲母學之乘舟帆解纜母落水良輔驚號沒水求之賴舟人救免母嘗患目翳良輔以舌舐之愈臘月母病思食糲瓜良輔奔郊外號呼或告降虎嶺有瓜奔竟得之母食而愈乾隆二十六年

余達字廷銓早歲以母病體業奉事二十餘年母卒年四十始應試籍府學父職年窮足達每日背負如父音所之十餘年奉以為常

鄭位書父病醫股調養以進母因父病積憂成疾位書復封肝以

福建通志

卷二百四十一

國朝孝義

聖

連江縣

瘳知縣金其給額旌之同里陳堯性陳雲蔚母病割股療之復病繼之以肝劉茂枝鄭良信黃興錦興補鄭成梧林梓芳程兆炳皆以割肝稱陳文筌陳光麟周必捷吳世盛游龍魁魏作樽孫昌沂胡帝簡胡仁和皆以割股稱

黃經國字啓初父卒夜臥棺側及葬廬墓不歸知縣楊繼請於當道旌之同鄉張志恩故農家子居喪盡哀極在寢值天寒擁絮煖之晨夕撫視如事存及葬至元夕架木懸燈於塚上使兒輩擊鼓作樂曰庶吾父母於此景不岑寂也知縣王孚為之旌

徐永禎字耆年少以治銀為生奉其父晨昏無疎節父執不至門必延致之與其父作竟日談酒肴豐潔不待命而具人稱永禎為能養志云

游春蘭增貢生父逢金援例州同遺命捐租五千劬以為鄉閭卷資春蘭於嘉慶十年承父志輸之族有不能舉婚娶喪葬者助之十七年歲歲減價出糶凡糶七萬餘劬穀價遂平道光元年又饑命子為濬設廠平糶股戶效之貧民賴焉六年又饑命次子為翥復減價平糶二十一年弟春臺又捐租五千餘劬以為鄉試錄遺卷資紳士勒石記之

羅源縣

黃日新少孤兄以力雄順治初元元表作亂兄率鄉壯敗之得名籍以歸日新年甫十四取其籍焚之歲饑嗚呼饑者與之粟有負官逋者以墓求售日新代之償而歸其墓子士鳳歲貢生鄰有因博負而鬻妻者士鳳代償之完其夫婦

福建通志

卷二百四十一

國朝孝義

聖

羅源縣

黃榛字雲石性至孝康熙十三年耿逆變作大師至榛投筆從戎與謀帷幄功成總督姚啓聖題授左都督榛以母老乞歸終養尤士魁字文開行年七十孺慕弗衰父歿廬墓三年母林氏年八十七士魁銜毒反哺四載如一日

游蓮開字用賞康熙十三年耿逆之變索餉被逮拷掠無完膚終不與餉

游侶開字信之一字未著祖定國傳見明良吏侶開康熙開以明經訓導尤溪應鐸三載尤士翕然從風擢莆陽會有擢之者侶開拂衷曰吾豈以師儒為市耶退休家居倡修學宮移巽峯塔鄉有告窮隨力貸之不計償卒之日多歎息泣下者

林樹高字仰之諸生順治初為西隅里長里中十甲所屬供億每

出已貸貸貧者其人亦必償所貸曰善人不可負也耿逆聞樹高名欲羅致之避於呂洞山莊康熙四十六年饑為粥以食鄉人口吾家非素封盡所得為而已子定國字寶碩由諸生入監雍正五年米貴出所藏減價以糶

陳薪莪字元青雍正四年饑窮者貸之有鄰人夜踰牆竊穀被獲慰以溫語釋之又嘗建宗祠置祭器修葉令橋臨終屬其子孫曰是橋當衝流慮傾圮爾等宜時修葺後橋圯孫世澧重修豎碑誌焉年八十八

李盛山又名際隆幼喪父家貧樵採養母及弟妹每飯不敢先母食父有債未償其人索於盛山盛山曰願勿訾吾先人至某日必以償後母邁重疾醫莫能愈盛山計無所出袖刀出門外四顧無人

福建通志

卷二百四十一

國朝孝義

四

羅源縣

人默禱於天以刀割胸取肝入呼妹曰以此和藥飲母越三日母病愈神志作而盛山死矣臨死屬其從兄曰吾死以蒿蒲席裹埋之母或不起鬻田中稻可買一棺言終而逝年二十七雍正六年旌表建坊

葉廷龍監生捐徐公里山地與畬民耕種不取其租又於護國建路亭以施茶子遠歲貢生性孝友撫二弟成家年七十不忍分爨曾孫大觀乾隆庚戌進士翰林院檢討

劉太常家貧父光患末疾太常躬耕奉養朝夕負之出入不稍怠道光四年知縣盧文鴻旌之

林元裕幼失怙恃事叔如事父兄弟三人裕最少凡事必稟命而行娶陳氏育一男而陳氏卒未幾二兄亦相繼歿裕事二嫂如母

撫姪猶子各為婚娶而已不再娶

古田縣

丁正彥字子朔順治初海氛未靖杖策從征以軍功授尤溪教諭得士心歸以里甲宿堂大為民累力言於當事罷之

葉厚秀字向春順治五年山寇竊發知縣甘體垣禦之厚秀率鄉壯百餘人入城協守寇潰散授把總鎮於洋村殘寇李君榮復發厚秀導官兵捕之上官欲叙其功辭其從弟伏祖入賊巢斬獲多名授千總累官至參將康熙十三年耿逆之變賊劫厚秀勒餉其子連豔年十三齋銀赴浦城救父以身畱質賊餉少遇害同里蘇景邵字康生以孝聞山寇之亂景邵帶兵直搗龍華寨賊平大吏請

福建通志

卷二百四十一

國朝孝義

四

古田縣

旌獎年九十四卒

林常登字毓雋諸生耿逆欲汗以偽職不受偽知縣翁其脅之常登奮然曰爾不明順逆既以自汗復汗我耶遽前推其案遂同子首選被繫移福州府獄獄卒梁伯伍義常登弛其禁假筆札作西河忠義錄以見志事平歸隱於鄉子首達字上而諸生父被繫時首達請獄請代家有田千畝昆季欲析產首達不得已乃與弟首運各取其瘠者七十畝以供膏火餘悉分一兄二弟父所置屋亦讓而不居首運字開而諸生父被繫時首運年甫十三為納囊饋日往返六十里閱三月逮至省獄復隨之 大師至放歸宿困關廟中遭海寇數十人欲刃其父首運求以身代賊義而釋之年八十三卒

林際泰父汝望其族人某受耿藩偽劄設軍校號劄子手者與汝望有隙拉殺之際泰志復父讎顧孤稚無如何久之耿藩伏誅受偽劄者死獨劄子手存際泰年十五赴省懇冤其仇偵知之掩繫之荒宅中榜掠垂斃適旗汛官過其門聞哀哭聲問故白當道捕其仇置諸法人情稱快

林雲蒸字爾蔚諸生值山寇至以祖母老且有心疾不忍去賊入室迎刃泣曰寧殺我勿傷祖母賊義之復賜以粟曰此孝孫也慎勿加害

魏應銘字五休康熙十三年耿逆之變汙以偽職不受欲殺之奇其狀貌囚之獄有陳儀者導以踰牆得免十六年山寇聚五都南樓鄉兵攻之不克水口駐防劉國興要應銘同往賊見之盡散坑

福建通志 卷二百四十一 國朝孝義 聖 古田縣

頭賊阮文恃眾不解應銘率鄉人斬之寇平將以事聞應銘曰吾不忍鄉里被害耳豈求錄耶以山水自娛卒於家

丁垂嘉字爾賓諸生耿逆之變屢徵就職垂嘉謂其子曰讀書當明大義安可妄以身許人耶遂被囚子名震字奮臣年十五與家人訣曰吾安忍老父受刑遂至縣署大聲曰願以身代父偽知縣許之被繫五月始脫於難同縣徐上鴻字克儀甫十歲與父承銓避耿逆之亂上鴻為賊所獲拷令言其父匿處上鴻號泣求代賊義而釋之

丁正昌字世茂貢生為耿逆所執劄掌燃臍終不為屈生平好施與有負其債者鬻妻以償正昌聞而憫之捐金令贖歸

丁正奇增生耿逆之變勒以偽命不應子諸生光石字琢臣歲饑

減價平糶

戴長蕃字振朝事繼母先意承志繼母愛逾己出族黨有不順者恥見其面有鄭姓負其債鬻女以償長蕃不受復贈金使贖之康熙十三年耿逆變起寇入城高其義過門不入後以拷餉拘其四子久偉五子久佺以兄善病潛以身代偽官憐其年少不忍加刑三子久倬又以弟久佺年少請代偽官欲試之比甚酷兄弟爭刑偽官為之心惻後又欲拘長蕃長子久任挺身代囚三年屢受重刑至喪明而不悔 大師至始盡釋之知縣董允憚旌其閭曰孝友一堂

陳隆亨字其昌耿逆之變吳金二寇臨城乏守禦資隆亨盡家存米數百石散給事得以濟

福建通志 卷二百四十一 國朝孝義 異 古田縣

包文禮字約生後隸屏南康熙十三年寇來攻寨文禮乞師於劉將不允負牆而哭劉感其誠遂出軍解其圍後耿逆之弟鎮延津聞其名召不應遣兵執之又不得逆憐其才不忍殺幽之獄三年 大師至始釋歸於龍昇峯築室居之顏曰退藏軒先是寇來攻時同里包國善禦之國善字世昌昆季三人俱有力國善尤最遇敵所向披靡暮年與族中諸老優游頤養年八十卒 鄒夢卜字子徵諸生好義勇為先是都圖徭役不均夢卜力請均派鄉人德之年九十六卒

丁先正字君定歲歉設粥以活餓者又施棺三百餘具捐造半坑亭金坑橋曹洋橋後曹洋橋圯其孫曾復捐修之

曾上偉字煥可康熙三十年捐資購義塚十五處收瘞暴露屍骸

二千四百餘施棺以助貧不能葬者

丁大魁字鵬齡貢生與兄大年皆庶出異母母病胃一病輒數月歲常數發入夜痛尤甚大魁晝夜侍奉凡四十年不懈母憐大魁取先疇之肥者與之大年死大魁出其產肥瘠均之三分其二以與諸子

陳柱字肇木歲貢生母病狂輒跣足外走醫治莫效病發柱輒隨之稍定受履乃負歸如是六年兄歿撫諸子寬而有制有過則正襟相對令侍而思過里中無少長見柱至必起立林衡善事母母病嘗糞以下休咎

蔣啓秀字道茂監生乾隆四十九年谷口聯宦洋諸村饑啓秀倡平糶議所活甚眾六十年又饑子步雲遵父遺規復倡平糶三月福建通志 卷二百四十一 國朝孝義 古田縣

今谷口諸村每歲歉仗義者輒以平糶濟自啓秀始也又於墓亭聯宦洋諸處造水防爲鄉人溉田於芝洋購隙地半里以供貧人掩骼喪不能殮炊不能舉析者輒賜之

游標苑字名齊增廣生幼失怙既長以不得見父爲憾言及輒泣下一夕父示形於夢曰爾欲見我耶晨起以形質之兄兄曰是也母病五十餘日忽發狂標苑叩天號泣日盡腫次日母病愈

黃封字敬執樂善好施閩里族戚生養死葬咸就謀焉有戚某負債請主者曰爾第困我於黃氏門外使封聞之債必償矣主者如言封果代爲償之封家被竊捕之知爲竊人子更以錢資之曰速改行毋負我以自負也後果爲善士然以此益貧過劍津遇盜劫掠一空傍徨無計有睨之而前曰君非黃封耶何以至此蓋印封

夙昔所拯者出囊中金贈歸

余自厚字存所監生好赴人之急戚某非罪被逮爲納藥館有發婦貧甚姑逼嫁之自厚周之以全其節子廷珪嘉慶己巳進士鄭又均字東平爲諸生母邁足疾均朝夕扶持躬爲櫛沐十五年如一日凡母所嗜之物雖遠必致母卒哀毀骨立年七十朔望瞻拜猶泣下族黨狀其事上陳均力辭乃寢

王浦與族兄樵於山兄爲虎所攫浦疾呼以所穫薪擲之虎不爲動後以鑷創其鼻始掉尾去後數十年同里有程廣者與兄負米於山徑虎傷其足廣奮擊奪之負以歸虎踵其後不能害

林天振字德良諸生性肫摯精理學構祠置祀田族人欽之陳名禧字學朱以貢生授華亭縣主簿有惠政尋以病乞歸值歲福建通志 卷二百四十一 國朝孝義 古田縣

歛減值平糶知縣某議立社倉輒先捐穀復捐田爲正音書院膏火今以其田充入義學鄉人頌之

丁名陞字績臣性豪爽戚族中有喪葬婚娶不能舉者助之平糶兩次並捐社穀大府以好義足風旌之同里高士明丁名揚丁麟光張建烈丁裔游源皆以減價平糶稱名揚字翼臣麟光字瑞公建烈字承祚源字耀公皆監生名揚與源復捐社穀建烈代兄繫獄裔又捐金施棺

姚登瀛例貢生立品勵行束身圭壁事父母以孝稱友愛兄弟和睦宗黨道光二十九年

旌獎

屏南縣

包國治字匡泰幼失怙事母余氏孝母偶患黃魚乃託言外出兼程往寧德買數尾歸母日戲言耳兒何遠若此一日探薪入山虎撲之因念日死何惜奈母何虎捨之而去

葉雄聲字英友監生乾隆三年穀價騰貴出所藏穀數百石減價平糶以惠鄉鄰即以糶價捐修道路自甘棠至高洲嶺頭十餘里皆成坦途同縣陸久美見道路崎嶇率村人協力修治自縣至棠口幾三十餘里補葺平坦又建近光向化二亭爲行人息足之所知縣沈鍾欲給額旌獎力辭不受

張發龍武生歲歉平糶以惠鄉鄰有自遠邨來者先飯之而後給以穀恐其饑而不能任重也多尙橋久圯捐百金倡建行人賴焉丁朝陞嘉慶癸酉武舉人

福建通志

卷二百四十一 國朝孝義

閩清縣

閩清縣

池六玉母朱氏病亟玉刲股以進愈後又病篤玉禱天剖胸取肝食之母病復愈順治九年

旌表給頂帶

詹慶陳字祇友母黃氏病顛天願以己年益母壽復割股和糜以進病尋愈後二十餘年鄉里欲爲請獎辭與弟同居歷四世不分異同里諸生張鵬翔父病篤刲股以進父尋愈

林有秋廩生邑七都蓮峯之麓有田數畝離龍潭數里康熙十年有秋捐金淪圳引水灌田耕者乃不苦旱里人頌曰林公有秋淪圳持籌膏同陰雨澤徧田疇因名有秋圳

劉夢鯉字子叶諸生縣溪口岸壤有奸人李國才投欺逆據抽稅

往來病之夢鯉與侯官監生王言等竭貲築岸成而舟人得以無擾眾立碑於南門紀其事

孫湛康熙乙酉舉人幼時被盜劫掠其父芬追賊至溪父被水漂流湛赴水救父時值嚴寒因得足疾後分臨終撫其背曰吾每念汝赴水時心卽不忍言訖而逝湛哀毀成疾臨歿命家人以素衣斂

孫柱增生雍正九年築義塚收瘞枯骸一千餘又重建陞堂橋爲古田侯官交界通津要道十三年以奉文捐墾議敘縣丞乾隆五年捐社穀八百石知縣孫國柱請上官旌獎同時廩生劉廷嵩同捐社穀先是廷嵩之父伯鳳歲租悉貯在倉不出境遇荒歉減價發糶以惠鄉鄰子孫遵之

福建通志

卷二百四十一 國朝孝義

閩清縣

永福縣

游秦字漢章母年九十順治初賊攻城通邑逃避秦以母老病不去母子皆遇害越數日殮斂顏色如生

張其奎字自徐廩生父與覺順治四年由薦舉任廣東興寧縣教諭歸值鄭寇據閩與覺名逼往福州其奎謂兄弟曰此去斷無生還理兄弟俱未有子我已五男雖死無憾遂往見鄭逆誘以僞職堅執不從被殺

張其斗字自揚廩生出嗣從父世琳順治五年寇亂兄其璧弟其翼皆被賊掠索贖需白金千五百其斗鬻嗣產得千三百入賊營以贖賊以額未足先釋其璧再搜括得二百金齋往遇賊於途劫之去號泣而歸產已罄矣復告貸如數齋往其翼乃得釋兄弟相

持且喜且泣貨產一空弗恤也同里諸生謝兆齡字紹任山寇黃居掠其弟紹敬紹丹索贖金五百兆齡售產得金入賊營贖以歸張瑞俊字啓藻順治丁酉舉人時有奏銷之贖註設者眾瑞俊伏闕上書訟冤經廷杖四十詔三法司訊問得旨直省舉人悉與開復後授無錫知縣未到任卒

黃美邑諸生耿逆之變賊首陳德元攻縣美為練總捐米給眾備禦完城後耿逆勒餉投以偽職不從遁去逆黨執得之縊於雪峯寺時同縣汪國柱亦捐田租散給義民以守禦之卓克重集眾保大湯岩境賴以安

程泰公康熙十三年山寇李壽圍寨半月寨內無水取不能支泰公夜縋而出捐銀三百往杉洋請鮑李倪三姓義勇百餘人援救

福建通志

卷二百四十一

國朝孝義

至

永福縣

張自馨康熙四十二年奉母林氏舟行被風衝壓母仆溪中自馨遽入水掖母出母蘇而自馨竟死

洪啓端康熙四十五年劫造坡圳溉田百餘畝子漢翔捐資產給窮民婚娶孫廷華因清涼橋圯捐渡船以便行人

林應琦字幼偉幼失母哭屢勸父時勸止之康熙五十六年祖祠被焚應琦突入祠抱合族神主以出度於己之室未幾火及己室復奉主而走他皆不顧天忽反風所居無恙

彭士錦字文卿九歲喪父號哭絕食事母篤孝妻張氏產男值母病篤士錦令妻乳其母而哺其男嘗糞以驗母病及卒負土為墳居廬以守號慟累月年八十猶孺慕弗衰知縣李拔卿舉孝子雍

正五年

旌表祀忠義祠

鄧繼行字道生武生乾隆十五年修砌官路建觀音橋文際橋又捐貲助修忠義祠節孝祠同縣柯光榮字華文砌清涼橋路約二里許病時集諸借貸力不能償者悉還其券

魏上英字世瓊貢生建亭東洋嶺修清永亭路數里乾隆六十年饑米價斗六百文上英出粟並勸族有粟者平價出糶人賴以安鄧榮光字子東監生時鄉舉里正大族不肯為小族又不能為榮光捐租數百石以為鄉里輪直之資年八十九卒子調元嘉慶戊午副榜春元嘉慶甲子舉人

陳燦環嘗割股療母又割股療父父母俱以壽終同縣陳士特割

福建通志

卷二百四十一

國朝孝義

至

永福縣

股療父及顯天祈代

陳紹馨號淑湖父恕友於兄弟紹馨好獎善亦不容人過家貧不妄取而喜推與父卒母年老就近教授日一歸省嘉慶元年

詔舉孝廉方正教諭某欲以紹馨應辭五年貢於鄉年七十九卒時同邑鄭玉瓚字進仲廩生亦以孝廉方正舉老不就徵

賜六品冠帶主講景行書院士林矜式子汝霖乾隆乙卯舉人

柯兆炳字韶章嘉慶辛酉舉人割股療母病同縣汪阿猷傭工養母母病割股療之黃順為黃理生養子亦割股愈父病

薛希元少孤事母孝戚友憐其孤露醴錢助娶元恐所娶不賢分錢遣之母年九十三卒自是父母主前各設飯一盂菜一味已對案食時而歡笑時而悲泣人以為狂嘉慶十二年卒年七十七

林伯理傭工以養父母母鄭氏卧病九月伯理與婦黃氏晝夜侍湯藥婦體素羸與姑相繼卒棺衾無措鄉里矜之不敢以哭母聞於父父好觀劇遇有演者輒扶持往觀以爲常

林清元字明豐嘉慶庚午舉人家貧力學年饑往貸於鳳溪戚屬還至半嶺亭見有遺金堅坐以待薄暮有漳州老人倉皇至遂還之不問姓名而去

重纂福建通志卷之二百四十二

人物

國朝孝義傳

興化府莆田縣劉渭龍 游標 鄭大經 王言 王權 黃依

秉璋 陳俊 從兄 宋十三 林煌 林楨 林時 廖季吉 郭

雲鵬 子文炳 孫祖 林儀 鄭奮鵬 宋慶曾 子英 朱

朗 劉必泰 鄭文炳 子士仁 帝眷 朱光鼎 張振華 宋瀛 子

時 程學泗 車應藩 黃安 馮露 方正和 子廣 李鳴珂 林景來

林元燦 宋綸美 黃學就 陳汝川 彭士達 陳君選

曾對揚 弟顯揚 品揚 陳克明 仙遊縣張自蘭 陳敬伯 弟琪

從子蒼輝 振 董策 陳日進 弟邦 黃瑞本 朱孟愷 王

斌 陳鳳占 振 董策 陳日進 弟邦 黃瑞本 朱孟愷 王

來章 子國 周贊瑞 陳簡 劉鳴岐 林豫 茅彝鼎 鄭仕秀

鄭偉 李長華 子主 黃豐來 徐南 子萬安 萬斗 陳

高春 子周臣 陳儒鼎 王燦垣 朱遠如 魏和 陳國棟

弟國棟 國 徐方石

泉州府晉江縣洪孔燧 陳有年 黃明白 陳曙 潘見

龍 莊烈 陳明陞 楊瑞貞 謝廷楨 陳元鳳 郭凱王

生 吳之璋 郭璘圭 許學衡 朱兆綸 周銓 柯得昌 孫

生 曾孫式 吳炎 陳茂煥 王宏 謝拱春 鄭台 許鶴振 尤

玉 柯士元 吳鴻錫 龔時璜 黃朝宗 林崧 陳大範

郭應元 吳九美 張離 李雲永 張廷毅 蔡必葵

秦浦彭 孫景 余漢章 林元樞 陳儀長 林賜魁 楊應球

福建通志

卷二百四十二 國朝孝義

興化府

蔡其壯 謝仕偉 林鼎漢 蔡宗花 吳錫智 王吳洛

陳嘉謀 粘嘉 黃良驥 周悠宗 悠宗弟士榮 黃蕭國儼

吳天爵 施彰彩 蔡守美 張源德 張克 周一峻 陳國黃

吉士 高漢觀 子六觀 曾華文 孫世 王升冕 翁華鍾 子導

謝文鍊 蔣棠微 曾世謙 王孫麟 黃澤山 陳世 鄭魁 萬

王仕助 蔡亨 蘇必昌 謝榮 黃錦 陳大容 南安縣梁

濟 鄭階 子續祖 李登卿 李繩偉 林天培 洪一湛 洪啓範

李元烈 辛輝英 王廣昌 郭得時 黃世萬 洪寶基

蔡廷魁 洪鵬 黃永 王綸禮 吳毓信 陳宗 徐時深 徐文

傅奏功 李正煜 子開春等 黃振輝 黃升 傅應泰 楊爾恂 郭啓

潘維 梁廷珪 從子 孫觀福 徐用遠 陳洪 蘇璋 陳勳

清 惠安縣黃楨 涂正昇 張日諒 蔡士諤 張元嘉 莊象 陳

聲滔 黃世美 子孝緒 涂世惠 莊兆璋 黃士珍 莊琛

子維 陳元椿 子文 駱鍾岳 陳鴻猷 黃國器 余使 黃輔

同安縣陳永華 卓隆 林起鳳 黃傳 周特生 林贊 王

士讓 王朝俊 觀 黃錫明 子江許開 洪銘 顏孔輔 芳

德謙 王三樂 林 方惟正 高育茂 子以彰 王家獎

王贊槐 陳祚猷 陳邦實 蘇天池 林文煌 陳秉義 黃

錫時 黃濤 李學 潘振承 黃元鍾 林化衷 辛肇 育奇聰

吳獻卿 曾邦翰 王夢悅 陳迪元 胡天德 陳錫英

劉思忠 杜梅健 子鴻 陳應清 林尊敬 王瓊林 吳惇

呂仲誥 安溪縣鄭克贊 子士彪 黃中祉 葉方榮 鄭日

福建通志

卷二百四十二 國朝孝義

泉州府

陳俊字舜雅父患疽俊以舌舐病隨瘥從兄所鳳字舜儀繼母年老患末疾鳳晝夜奉侍必親扶持與俊友愛同居共爨至數世不分

宋十三當海氛未靖隨父避難遇賊將刃其父固持賊手號泣求代為賊所害父獲免後五日家人收其屍面如生眼猶流血時年猶未冠族人附於祖祠稱為篤孝

林煌字建仲邑增生海寇至父衍端被執哀懇釋父代死寇俱釋之母患眼疾奉侍不離待諸弟雍睦無閒歿祀忠義祠

林楨字少幹監生七歲嗣世父後康熙十三年耿變作逼授偽職不從被囚數月耿逆平年已四十調選例授知縣需次都門日母老矣必得百里而迎養懼薤露之先晡也遂歸築數椽於宅南顏

福建通志

卷二百四十二

國朝孝義

五

莆田縣

日學詩庭承歡之下吟詠自娛平生足不履公府於桑梓重務輒任之不辭邑木蘭陂上匯諸瀾下障潮汐為南北洋水利所關陂下里許有橫山隄延亘百餘丈扼木蘭中流歲久損壞知縣金皋謝將謀修葺楨任其事並出囊金以襄厥成歲饑鬻田產以賑或諷曰君獨不為子孫計耶楨曰吾祖父雖仕宦而家無儲石今吾以清白傳後為子孫計亦足矣後鄰居失火而其廬獨存咸以為盛德所感云卒年七十六同時有林時邁者字亦大雍正四年歲貢生襄辦木蘭陂又勸建朱子祠捐租致祭沒祀報功嗣年八十五卒

廖孚吉字季鸞府學生少孤出嗣世父堯亮後備極孝養仍不忘所自出康熙十三年耿變作差徭擾累孚吉悉代鄉人捐之家方

中落不問也教子以義方子必廷見有

郭雲鵬性慷慨多奇節歲暮積券成篋焚之值大饑罄所藏米以食餓者子文炳好濟人急族人某以索逋釀禍文炳不避難救之事得釋孫占選傳見良吏曾孫捷南字邦賢附貢生性孝友侍父占選宦江左承歡之暇日與諸名公遊肆力於詩古文辭其文不苟作有不可銘金石者雖介至交不與也閩撫汪志伊訪真品實學四十人試道學異同論以捷南為冠然終汪之任未嘗一謁嘗寓蘇州鄰嫗夫歿無以斂捷南助以資嫗願納女為妾捷南曰我聞人也汝老矣母子胡可遠離嫗搏頰曰願生生世世報公子德在上海大水捐重賞掩柩之漂壞者歸里後修學宮建講樓濬城渠任之無難色捷南子尙先另有傳

福建通志

卷二百四十二

國朝孝義

六

莆田縣

劉鴻字磐侯少失怙恃事母孝與妻翁氏竭力奉菽水並推先志以養叔父鄉里之貧者周之濬笏石通溝及涵江水心塘孫祖堯縣學生善承父志文行可為楷模曾孫雄萬乾隆己卯舉人林儀字瑞生諸生性孝友先世遺物悉讓諸兄惟祖父手澤敬謹收藏好施予常困乏處之泰然值耿變逆黨亦義之不入其巷鄰里賴以安全妻早卒不續娶教子姪悉以義方多成立年七十一卒子源見列傳

鄭奮鵬字翼士少失怙恃事生母至孝以岐黃術濟世療病有奇效康熙二十年火災拾金珠一篋訪其家還之人以屢獲售知之或勸轉售奮鵬曰我為人欺而轉以欺人可乎年八十卒

宋慶會字沂公有夙慧年十四就布政使于成龍試援筆立就延

入署讀書補諸生父憊復病侍湯藥衣不解帶既歿哀毀異常康熙五十二年由貢生教諭寧洋道險不得奉母往留室侍養獨挈長子英行其學宮設規條以助士士林重之英字兼邦貢生父疾斯夕侍湯藥及歿毀幾滅性奉櫬歸徒跣號泣行道爲之感動時兩弟俱幼英事祖母事母及生母敬愛不怠毫不入私與諸弟怡怡如也孫帝賚乾隆庚午舉人

朱昉字斯荀性聰穎康熙乙未進士例留京教習以親老力請歸養侍奉十年纖悉躬親病侍湯藥衣不解帶後任河南密縣有惠政旋改建寧教授以老告歸罄俸餘修祠墓牌坊謂諸子曰余非不治產業欲留清白以遺爾曹也

劉必泰字聞人廩生六歲哭母幾喪明父疾露頂焚香求以身代

福建通志 卷二百四十二 國朝孝義 七 莆田縣

父偶思石鱗魚伏月難得必泰夜馳深山百里叩瑞雲宮神助獲魚以奉父歿廬於墓側每大風雨輒赴墓哀號事胞兄如父兄歿夜臥棺旁哭聲震四鄰時稱孝友

鄭文炳字慕斯祖亮補一名表字山甫工詩文及書法不樂仕進晚得心疾而卒疾革時屬文炳曰吾生平陰行善事人無知者爾必勤學以紹先業文炳少好學探討性命之理作正學論以濼洛關闢爲宗實力行之父光春客遊遠方文炳將往尋焉母曰汝去我何依且俟汝納婦後因從母言合登之夕隱几而臥婦知其意曰事姑婦職也文炳因問母熟記其父狀貌及離家年月遂行輾轉踪跡至雲南旅寓忽相見號泣懇俱還不果父趨之歸婦未幾父歿於雲南復奔赴負骸歸葬才身跋涉萬餘里一笠一囊露宿

草行傍徨江楚黔蜀間幾濱於死事母備極色養母歿椎胸嘔血廬墓三年學使汪微爲補府學生員儀封張伯行撫閩重其學行選入龍峰書院從蔡世遠遊伯行調撫江蘇遣使聘至蘇講業年餘而歸雍正乾隆兩舉孝廉方正皆不應郡守延主洞橋書院講席訓迪不倦倡修隔嶺山路及平海衛學建五賢祠年八十六卒文炳尋父歸妻吳氏已死東昌知府程鯤化嘉其孝妻以女舉五子士仁字立公侍父至江蘇聞緒論學篤而行益修伯行曰有是父必有是子親歿廬墓側與弟帝眷友愛甚篤又出粟平糶施構置塚善行不可枚舉以歲貢官訓導子清芳遠芳廉芳皆績學能文承遺命修平海衛學書院帝眷字秩公縣學生文名籍甚而於孝友尤篤親疾封股以療乾隆庚午舉於鄉

福建通志 卷二百四十二 國朝孝義 八 莆田縣

朱光鼎字薇南家貧其父居屋光鼎弱冠補郡廩生文名日起旦暮代父肩而往還久弗倦市井傳爲美談父歿喪盡哀每祭必編素哭泣歲以爲常教人視其材多所造就巡撫張伯行選入龍峰書院復聘至江蘇撫署與同邑鄭文炳同稱孝子云

張振華字子京先世遭明季亂有仇者率賊戕其族振華痛之考求族系建祠祀並營葬族之無後者乾隆九年歲饑捐賑以濟鄉人德之子琛諸生

宋濂字爾雅父萬葉在途病卒濂甫八歲與兄瑛侄澄孝事祖母既長砥礪廉隅篤學授徒館穀有餘輒施諸窮餓者子聖時十二歲而父歿事寡母以孝苦心積學至嘔血成疾生平質厚然諾不欺施予不吝孫若霖乾隆辛未進士官雲南保山知縣

程學泗字立會年十二籍府學生旋食餼事親色養處昆季無間
言嘗赴省試居停主婦少而寡頗致殷勤翌日託他故徙一貧士
將鬻屋學泗勉徇其情既而轉售他氏價浮數十金袖以予之或
怪而問故曰此固某之業也忍求利乎凡親朋就試無資輒出金
佐之無德色

車應藩字扶潛服賈以養母母邁奇疾醫不能治應藩割股進不
效援刀取肝和糜奉母病果霍然又有黃安母病燃眉祝天腕無
完肉疾劇復割肝以療又馮露市販養父母弟妹母病篤割股弗
效割肝刀鈍以槌奮擊入骨數寸仆地死

方正和字叶士幼隨父於建安喪母號慟幾絕比長事父備極孝
養兄遺二孤正和母事寡嫂子視諸姪管率子廣修廟學葺朱子
福建通志 卷二百四十二 國朝孝義 九 莆田縣

祠捐義倉穀襄造寧海橋修堤砌路以利行人季子欽貢生有學
行事親先意承志購置祭產以其餘賑饑乏者建義塾聚族人絃
誦其中縣治有旌善坊欽名與焉

李鳴珂字兆賦乾隆庚午舉人性孝友伯兄早夭嫂死節遺孤一
鳴珂養而教之不異己子官南靖教諭恆以祿不逮存為恨迺以
俸置祀田曰吾之祿不及養生庶幾因以事死南靖俗多溺女鳴
珂作詩勸戒之以疾歸里先是濱海居民私開涵洩木蘭陂水為
南洋害鳴珂聞之邀里中有力者出資塞之豪戶以賄屬鳴珂堅
御之乃陰令人鑿其舟將沈之鳴珂亦弗與校

林景來字開陳年十九補府學生員父一枝縣諸生窮而介病篤
命景來曰我家無立錐地讀書良不易我死令爾弟營生無益爾

恩賜國子監學錄銜歸凡祠墓圭田諸事悉以己貲營辦雖囊無餘不
恤也年六十九卒孫揚祖道光己丑進士

林元燭字次耀善事父母母高氏患噎膈疾聞腥羶味輒嘔或
有餽遺必徹去勿令母見扶持拘攝未嘗頃刻離乾隆四十九年
歲大疫家中病者五六人爰炳蒸最後病支離牀褥瀕死者屢項
聞忽發癰痛不可忍元燭徧處求醫有馬生者為醫治罔效懼欲
福建通志 卷二百四十二 國朝孝義 十 莆田縣

逃固畱之既而謂元燭曰是不可為也凡傷寒發瘡惟賴元氣今
元氣已虧內託不可外攻不能將何以治元燭違遠失措乃夜半
陳香案於庭引針自刺其舌出血以指濡血書代死字於紙顯天
焚之遲明馬生至癰潰痛止馬生驚曰是何神藥奏效若是元燭
泣語以故馬生乃悟投之以收斂之劑不二日愈而元燭病矣將
歿語其婦曰吾父忠厚宜獲壽吾不敢貪天之功也若勉體吾意
善事二人遂卒

宋翰美優貢生父士器久客臺灣翰美跋涉重洋尋之同歸及病
所以身代父殞築室墓側三年不入城市母歿亦如之忌日必縞
素慟哭撫三弟皆有成卒年七十五乾隆五十三年題請
旌表

黃學就字爾肩母歿廬墓側又捐金築鄭村溪堡以護田

陳汝川字學匯乾隆丙午副貢生篤於行誼先世墳墓自宋後多

節周卹備至所遺男女為之衣食婚嫁故人子有貧者為之經理

與厚貲為久遠計鄰里宗族求助輒應未嘗有德色嘗訓諸子曰

敬宗睦族為人生第一要事又曰自古惟詩書可以傳家嘗錄疏

仲翁張文節公格言懸座右子祖烈嘉慶戊辰舉人

彭士達所居地卑下大水漂其父柩士達繫身柩側極力護持歷

一晝夜水退始得安厝

陳君選字鐵山監生一日火焚及屋選負弟奪門而出得無恙祠

田為人所侵君選贖之邑中有大興作人或慮其難君選任之卒

福建通志

卷二百四十二 國朝孝義

莆田縣

從容戴功子池養嘉慶己巳進士

曾對揚父洪範見良吏傳對揚官甘肅迪化州巡檢弟顯揚太學

生品揚邑諸生皆孝友洪範卒對揚自甘肅奔赴悉以父所遺分

諸弟品揚病篤顯揚請以子代未幾弟愈而子殤顯揚子振聲幼

喪母品揚教之學愛逾己子先是洪範以食指繁令子分爨父歿

後仍合爨內外無閒言道光二年題請

旌表建坊入祀忠義孝弟祠

陳克明號恆山幼有至性五歲喪母十八遭父喪哀毀骨立閱祥

禫不絕哭先世所遺公產為族人所盜賣克明贖之縣令欲罪其

族克明泣請曰吾不忍以贖產之故而使一本受刑也嘗治舉子

必孝弟廉恥五十餘年鄉不知訟戶無逋糧葺先代祠墓撫弟姪

旌表

仙遊縣

張自蘭字芳遠諸生崇禎末寇亂賊陳尾擄其兄自蘭年甫十八

詣賊營願以身代賊義之因得脫郭爾隆寇興泰里按寨索餉自

爾破產以護族黨

陳敬伯弟珙姪蒼墀振斌皆以勇力聞順治初擒賊首詹毓壽

歐雲龍及餘黨百三十餘人送縣誅之知縣孫之屏以功授敬伯

守備弟珙珽千總康熙時德化賊夜劫文賢里敬伯伏眾守其隘

賊不得出斬首十七級知縣賈某問擒賊狀敬伯答甚悉且言其

福建通志

卷二百四十二 國朝孝義

仙遊縣

姪蒼墀振斌年少善戰又疾走賈命試馬於塗嶺埔兩人夾馬而

走突過五步賈撫其背曰得子無憂賊矣後永春寇發檄敬伯等

守隘寇不敢入時同里陳鳳占嘗糾十八寨破山寇朱五等亦以

勇敢稱後官兵忌其功害之

董策字殿南一字愧三順治十年隨家人避寇雲居山寨寨破逃

燕石遷東溪次年承父命衛母居邑中舅宅十二年海寇破城母

被害策時年十二哭守母尸賊逼擄之策曰吾母被害不共戴天

甘隨母於泉下寇涂姓者憐其幼而能孝代為殯母道左策自累

陳日進字邦祚精易理耿藩叛率鄉人築天齊寨以爲固部署徵發皆按紀律凡寇之遲速戰之勝負以卜決之無不奇中鄉人避亂者多依之弟邦棟喜急人之患族鄰恃其言以爲信

黃瑞本年十歲山寇肆掠奉孀母陳氏避難遭寇欲殺其母瑞本爭刃請代寇奇而釋之不數武又遇寇勢益暴母引頸受刃瑞本哀號泣抱天條暗寇驚謝保送至家

朱孟愷幼時以父嗜酒輒醉每父讌集必親詣酒所露立門外以俟扶歸雖風宵雨夕不去也年十七海寇陷仙遊昇父逃山中道遇寇將殺父懇以身代寇感其孝釋之叔某死於寇遺骸莫辨孟愷淋指血認歸父歿廬墓三年雍正四年

旌表

福建通志

卷二百四十二

國朝孝義

三

仙遊縣

王來章學生康熙十三年海寇剽劫村落來章父祖孔被掠來章冒死赴賊寨乞哀賊憐而釋之又册文賢里雙溪塘橋修梅嶺楓亭路蓋養氣亭四十六年歲歉出米三百石以賑子國棟字聖孚監生值歲饑僅存穀六百石而以五百石賑晚年建始祖祠置祀田子捷南嘉慶甲子舉人

周贊瑞家無厚貲而好行善兵下中左婦女爲俘獲者甚眾贊瑞悉贖回給資使歸知縣孫之屏義之

陳籥字啓簡勇敢尙義知縣孫之屏命往泉州伺海上動靜遇寇見執籥曰吾奉孫使君命來也遂見殺

劉鳴岐字岡長嘗隨父宸業避寇寓於旅舍拾吳姓遺金三十兩因遲三日以待其至而還之撫孤姪如己出以己產半與之捐租

於郡學及莆仙二學及義塾又置義塚於飛山之麓鄉黨稱爲長者同里諸生林豫震字懼修三拾遺金悉還其人精六壬之學賊首王士玉欲引爲謀主不從以兵劫之不動以金贈之不受賊舍之人服其操

茅彝鼎字子銘先是府學額數莆仙二縣酌量分撥及莆人册設府童仙遊遂不得與彝鼎不平聞於官莆人毆之幾斃彝鼎不爲屈督學范光宗憐之乃按學政全書奏聞卒革府童如舊額錄取紳士祠祀光宗以彝鼎附焉

鄭仕秀字祖涵康熙時以年勞授州吏目謁選至都下先是邑尙書鄭紀戶部鄭瑞星建二會館於京師東草廠其一爲邵姓佔據歷久莫之理仕秀控於官復之

福建通志

卷二百四十二

國朝孝義

四

仙遊縣

鄭偉字蒼伊諸生父承頑患疽偉衣不解帶歷十晝夜父憐之詭云已愈令就寢偉仍立門外略呻吟而偉已至父歿哀毀終喪忌辰前三日齋戒懸像於堂哭之歲饑有乘夜暗投以米偉見之輒取置門外閉其門以寢年七十五日忽具衣冠辭親友曰某日某時將永訣矣應期而逝

李長華字玉川以貲授縣丞父師濂好義捐賑施棺置義塚長華繼父志助修學宮建同蘭書院濟南湖築大濟仙水二橋康熙五十六年五十七年雍正四年饑設廠施粥全活甚眾又輸社穀貯倉備賑將卒遺命子主敬捐田於學助士子鄉試卷資

黃豐來字文材諸生父天聲晚歲失明每朔望必至墓展拜豐負父往還無閒如是者十餘年授徒餬口親朋缺乏輒以所得贈之

三旬九食晏如也生平喜怒不形嘯笑弗苟鄉里稱長者子慶雲
雍正庚戌進士

徐南字培政性孝友父歿於海寇具衣冠以葬家貧教授以養母
泉州都督施韜將修建仙遊諸橋梁以南誠懇金悉付焉時探石
未備未及興工或譏南以金散諸子韜遣使託詞收金南入內取
金以授封尙未啓也雍正九年大吏以孝友端方祀鄉賢子萬安
萬卷萬斗萬寶萬卷傳見良吏 萬安字祖恭初習商賈後漸裕
知父好施將順其意修學宮建朱子祠復尊經閣築雙塔濬南圳
立宗祠置義田又同弟萬斗萬卷建本邑及閩縣莆田泉州橋十
五前志作同弟修建濶溪東渡橋又命子姪華升捐修試院大吏
入奏

福建通志

卷二百四十二 國朝孝義

五

仙遊縣

賜從四

品服萬斗萬卷華升從優敘復捐義倉前志作造社穀三千石備

荒又存萬餘金生息以備後日施予年七十八卒督撫題請建樂
善好施坊 萬斗字祖魁兄弟合舉數十年家事皆萬斗持之嘗
建周澤白馬等橋復遺命子光建金剛橋湯泉橋力可爲者踴躍
不怠年八十卒子光傳見良吏 萬寶字祖寧從漳浦蔡世遠遊
年十四母病割胸肉和粥以進後父疾顛天減壽得彥值歲饑萬
寶謀諸兄竭所藏以賑其法日定奇耦別男女籤分先後區老幼
又慮日久貧人弛業則計日盡給戚友則送其家貧者倍餽之鄰
邑莆田南日山饑尤甚則購米令人分給前後共捐八千餘石以
海暑積勞成疾卒督撫題請建坊立廟額曰善勞可嘉蔭子錦入
監讀書 萬安次子上字士德邑學生力學能文凡父所欲爲而

未竟者皆繼爲之修復青龍平政望水晏宮雙坑及莆田之瀨溪
荻蘆諸石橋又捐置義塚砌孔道賑饑施櫛助喪葬歲杪有以貧
乏告貸者無不應按察司沈廷芳以額獎之曰世有義聲子大瑞
州同大猷國學生大猷候補同知俱克繼父志

陳高春母吳氏方娠七月而父歿於江寧旅次高春年十五卽往
尋父骸歸葬未幾海寇告警高春負母逃難母歿刻像事之子二
周臣字陽光清臣字陽潼友愛合爨終身無閒言周臣母歿廬墓
側歲頻饑兄弟先後捐米施粥減價平糶歲晚視人之貧者密濟
米以爲常修造橋道二十餘處施棺木瘞骸骸無算

陳儒鼎字應瓊熟精史學上下數千年累累如貫珠大母王氏病
刲股愈之以歲貢授德化訓導誘迪不倦年老歸里書史自娛不

福建通志

卷二百四十二 國朝孝義

六

仙遊縣

問外事

王燦垣字聖奎學生父病祝天減算以延父壽越三年父卒適當
祝天之期應鄉試夢神語之曰而母當以某日卒祇三日期自省
抵家三百里燦垣一夜馳至母起居如故至期竟逝燦垣哀毀
成疾亦卒燦垣嘗讓書田以充祖祀時族人分產不睦聞之交相
讓而罷

朱遠如父早卒力耕以養母黃孝敬不懈母偏愛少子達如遠如
體母心衣食田宅讓弟自擇及稻熟弟田歉收則以己田易之婦
陳事姑如其夫後爲達如所譜母因惡之遠如曰不爲母也婦者
是不爲遠也妻遂出之後母年老喪明婦在外家以不獲躬親侍
奉日夕籲天願以身代三年餘族黨勸召婦歸母恚曰須吾眼明